

玉海

辭學指南

六十



玉海卷第一百七十三

浚儀王應麟伯厚甫

宮室

城上 邊城附



公羊傳城雉者何五板而塔五堵而雉百雉而說之城以盛民也

顓帝城

志廣信軍新城高陽記云本顓帝造又名伏

別德府澶州顓帝城顓帝之所都立本

左傳凡土功龍見而畢務戒事也見而改用

玉海一百七十三

正而裁日至而畢

堯城 舜城 湯城

後魏國志河東郡平陽堯都此注晉地通記曰有

堯城說文陶丘有堯城漢高紀注古曰許也

說文解字云陶丘再成也在濟陰夏書曰東至陶

陶丘有堯城堯嘗居之後居於唐改堯號陶唐氏

括地志堯城在濮州鄆城縣東北十五里汾陰故也

俗名殷湯城在蒲汾陰縣北九里唐會要元和八

年河東節度使張弘靖奏修古舜城從之唐孫樵

有舜城碑博物志禹作三城強者攻弱者守敵者

城

戰城郭自禹始也

淮南子蘇作九仞之城

周城

後漢志右扶風美陽有岐山有周城注杜預曰城王

縣西北帝王世記曰周大王所徙南有周原

周王城 周城成周 九六城

周書

武王克商瞻河洛而嘆曰此天室也

遷九鼎于郊鄩周公攝政七年二月己未成王在豐

將宅洛邑使太保先周公相宅使召公復曰成王在豐使

天下之意周公復之真道里均築居九鼎焉曰此乃

澗水東灋水西三月七日庚戌至二城漢志平陽調公

玉海二百七十三

行

為王都城是十一日甲寅而成謂之宗周左傳威武二年

商遷九鼎于洛邑宣三年武王遷之滿曰成王定後有大

戎之難至平王即位元年歲在辛未東遷于王城考至

王公封其弟威於河南王城是為惠公立以續周公封少子職

於王鞏十年奉王號東周惠公而河南惠公即位為西周自

在丁未歲在丙午周始分治報元復秦滅都周凡六作雒

周公作大邑成周于土中立城方千六百二十丈

方七十二里南繫于洛水北因乎郊陝一作山以為天

下之大制里南堂洛水北至陝山二左傳襄方十七

為齊城之城周語靈王二郊二城也穀洛闕毀河南宮

郾西有郾 王城面有三門凡十二門以通十二子地禮

官司門注王南城門曰圍門見莊二年東城門曰鼎門

北城門曰乾祭見昭二年每門有塗男子由右婦子由

左車從中央南北之道為緯途闊十二步王宮當塗

之經左祖右社面朝後市王宮有五門宮有六寢其

內有王后六寢九嬪以下分居之近郊三十里之地

為月堂以祀天天子祀上帝左巷昭二年次左巷注朝

近東莊宮入莊宮注在王城帝王世紀太王邑

於岐山之陽西北岐城舊址是也南有周原始改號

曰周杜續漢志右扶風美陽有岐山有周城注王季徙

程文王受命徙都於豐在今京兆之西詩築城伊注

或成溝也箋云文王築豐邑天子之城制大小武王徙都鎬

亦亦及伐紂營洛邑而定鼎焉今洛陽西南洛水北

有鼎中觀是也又曰東南門九鼎所從周公相

成王以豐鎬偏處西方貢不均乃使召公卜洛云云

洛誥卜澗水東灋水西注今河南城又卜灋水東

召誥云云注規度城郭郊廟朝市之位

處於戊申三月庚戌以衆殷之民治都邑之位於洛

水北今河南城也疏匠人王城方九里命又以公

營國方九里鄭異史記成王卜居九鼎而周復

玉海一百七十三

行

城

都豐鎬至平王乃東徙正義括地志云洛陽故城在洛陽縣東北二十六里周公所築即成周城也詳見

京輔類

漢志

河南郡雒陽縣周公遷殷頑民是為

成周河南縣故邾鄆地周武王遷九鼎周公致太平

營以為都是為王城至平王居之初雒邑與宗周通

封畿漢師古曰宗周鎬京也方八百里也亦八百里四

六二三都得六百里者百里者千里東西長而南北短短長

相覆為千里至襄王以河內賜晉文公又為諸侯所

侵故其分地小至是七城而已後漢志雒陽擘虞

之洛陽今周時號成周何休曰周道始成者何東周也

玉海一百七十三

也帝王世紀曰成周城東西六里南北七步九里

西十六里十步為地三百頃有狄泉在城中左傳僖二

定元秋年泉城杜預曰城內太倉晉時此水在東宮西城外

有上程聚豐故此文加為上程徙都河南周公時所城雒邑

也春秋時謂之王城鄭元詩譜曰周公先擇相宅既成

密史記蘇秦曰西春秋昭二十六年冬十月天王

入于成周傳十一月癸酉王入于成周洛陽三十二

年冬仲孫何忌會晉韓不信齊高張宋仲幾衛世叔

申鄭國參曹莒薛杞小邾人城成周傳秋八月王使

城

富辛與石張如晉請城成周

注于朝之敬土亂其餘黨多

成周成周狹天子曰昔成王合諸侯城成周以為東

都崇文德焉今我欲徼福假靈于成王脩成周之城

俾成人無勤諸侯用寧螫賊遠屏晉之力也冬十一

月晉魏舒韓不信如京師合諸侯之大夫于狄泉尋

盟且令城成周己丑士彌牟營成周計丈數揣高卑

度厚薄仍溝洫物土方議遠邇量事期計徒庸慮財

用書餼糧以令役於諸侯屬役賦文書以授帥而效

諸劉子韓簡子臨之以為成命定元年正月城成周庚

寅栽設板城三旬而畢乃歸諸侯之成七年王入于王

晉平

五海一百二十三

五

城天子治城各有分丈尺漢志以為不襄城禮諸侯為

賦也晉太康地道記曰王城去洛城四十里城內

南北九里七十步東西六里十步為地三百頃一十

二畝三十六步陸機洛陽記曰洛陽城周公所制東

西十里南北十三里城上百步有一樓櫓外有溝渠華

延雋洛陽記曰陸機所謂洛陽城即成周也後漢魏

隋並都于此城東西六里南北九里俗傳亦云九六

城帝王世紀云初晉合諸侯之大夫于狄泉漢張良

傳山東人勸上都雒陽東有成臯西有穀鼬背河鄉

洛其固亦足恃良曰其中不過數百里四面受敵非

用武之國洛陽記曰左成臯右函谷前有伊闕後背  
孟津杜預曰作成周遷殷民以爲京師之東都所  
以崇文王之德蓋周公以商之大夫士從武庚叛者  
未從周化召公既相宅又卜灋水東周公往營之是  
謂下都書謂之遷殷頑民於周周公親監之周公沒  
成王以君陳代之君陳卒康王以畢公代之自平王  
避犬戎之難東遷洛邑居于王城王城即更十三王  
凡三百六十年至敬王十年歲在辛卯王子朝之亂  
其黨多居王城敬王畏之徙都成周呂氏曰王城  
在澗灋之間下都在灋水之外成周其總名杜預孔

玉海一百七十三

穎達皆以下都爲成周謂敬王自王城徙都之其說  
不然左氏未嘗有敬王自王城遷成周之明文第言  
子朝既逐王入于成周而已東京賦先王之經邑

掩觀九隩靡地不營土圭測景不縮不盈總風雨之  
所交以建王城召伯相宅卜惟洛食周公初基其繩  
則直葺弘魏舒是廣是極詳見洛宮 呂溫古東周

城銘文王受命肇興西土周公作洛始會風雨居中  
正本拓統開祚盛則駿奔襄則夾輔二伯之後時無  
義聲大夫葺弘言抗其傾坐召諸侯廣崇王城雖微  
遠猷實被令名立臣之本委質定分爲仁不卜臨義



不問興亡理亂在德非運罪之違天不可以訓

夏官掌固掌脩城郭溝池之固頒其士庶子及衆庶

之守設其飾器門之器亦屬然任其萬民用其材器

所謂墾築凡守者受灋以通守政若造都邑則治其

固與其守灋為都邑郭亦若有山川則因之若灋考

工記匠人營國國中九經九緯經涂九軌左祖右社

云云王宮門阿之制五雉以為都城之制宮隅之制

七雉以為諸侯之城制城隅之制九雉云云注國中

城內也軌謂轍廣乘車六尺七寸旁如七寸凡八尺

是為轍廣雉長三丈高一丈都四百里外距五百里

三百九 王海二百七十三 云

王子弟所封其城隅高五丈諸侯畿以外也其城隅

制高七丈疏按異義古周禮說云天子城高七雉隅

高九雉公之城高五雉隅高七雉侯伯之城高三雉

隅高五雉都城之高皆如子男之城高左傳鄭祭

仲曰都城過百雉國之害也注侯伯之城方五里徑

三百雉故其大都不得過百雉

### 武王鉤陳壘

水經注河南有鉤陳壘世傳武王伐紂八百諸侯所

會處尚書所謂不期同時也紫微有鉤陳之宿主兵

陣故遁甲攻取之法以所攻神與句陳并氣下制所

臨之辰是以壘資其名

周城朔方 城東方

詩出車王命南仲往城于方出車彭彭旂兆央央天

子命我城彼朔方赫赫南仲獫狁于襄注方朔方近

獫狁之國也朔方北方也朱氏曰今靈夏等州獫狁地

難除禦戎之道守備烝民四牡彭彭八鸞鏘

鏘王命仲山甫城彼東方注東方齊地古者諸侯之

居逼隘則王者遷其邑而定其居蓋去薄姑而遷於

臨菑也朱氏曰仲山甫奉使築城于齊臨菑當夷王

之時與毛傳不合毛氏在馬遷之前其言當有據

三海一百七十三

縣據之陳陳度之薨薨築之登登削屢馮馮百

堵皆興鑿鼓弗勝韓奕溥彼韓城燕師所完實墉

實壘言其高其城實畝實籍書費誓甲戌我惟征徐

我峙乃糗糧甲戌我惟築

周公城

史記正義括地志云周公故城在岐山縣北九里邵

公故城在岐山縣西南十里此周召之采邑也

楚城沂

左傳宣十一年楚令尹蔣艾獵城沂使封人慮事以

授司徒量功命日分財用平板幹稱畚築程土物議

遠通略基趾具餽糧度有司事三旬而成不愆于素

楚方城

水經注郡國志曰葉縣有方城郭仲產曰因山以表名尸子曰楚狂接輿耕於方城盛弘之云葉東界有故城始隼縣東至瀕水達泚陽界南北聯聯數百里號為方城一謂之長城云酈縣有故城一面未詳里數別為長城即此城之西隅其間相去六百里南北雖無基築皆連山相接而漢水流其南故屈完荅齊威公云楚國方城以為城漢水以為池杜預曰方城山名在葉南未詳孰是水經注又云龍竹書紀年梁惠成王十三年

山海一百七十三

西城邊

齊長城

史記蘇秦傳長城鉅防正義長城西頭在濟州平陰縣界竹書紀云梁惠王二十年齊閔王築防以為長城太山記云太山西有長城緣河經太山餘一千里至琅邪臺入海蘇代說燕曰齊有長城巨防

秦趙燕長城

漢匈奴傳秦昭王滅義渠於是秦有隴西北地上郡築長城以距胡趙武靈王北破林胡樓煩自代並陰山下至高闕為塞而置雲中鴈門代郡燕破東胡亦

城一自邊城

築長城自造陽至襄平置上谷漁陽右北平遼西遼東郡以距胡當是時冠帶戰國七而三國邊於匈奴後秦滅六國始皇始蒙恬擊胡悉收河南地因河為塞築四十四縣城臨河徙適戍以充之通直道自九原至雲陽因邊山險塹谿谷起臨洮至遼東萬餘里

年表三十三年築長城河上三十四年築長城及南方越地三十五年為直道道九原通甘泉又度

河據陽山北假中頭曼不勝秦北徙諸侯畔秦匈奴得寬復稍度河南與中國界於故塞漢揚雄上書曰以秦始身之疆蒙恬之威帶甲四十餘萬然不敢窺西河廼築長城以界之單于曰孝宣元帝為作約束

自長城以南天子有之長城以北單于有之有犯塞輒以狀聞史蒙恬傳將三十萬衆北逐戎狄收河

南築長城因地形制險塞賈誼過秦論曰北築長

城而守藩籬卻匈奴七百餘里胡人不敢南下而牧

馬主父偃曰卻地千里以河為境王恢曰蒙恬

為秦侵胡辟數千里以河為竟累石為城植榆為塞

匈奴不敢飲馬於河置烽燧然後敢牧馬晁錯書

秦北攻胡貉築塞河上南攻揚粵置戍卒焉唐劉

貺以為趙簡子起長城備胡詳觀括地志秦長城

首起岷州西十二里延袤萬餘里東大遼水通典

魏刁雍上表曰周命南仲城彼朔方趙靈秦始皇長城是築漢之孝武又踵其事

漢長安城 斗城 十二門 九市

漢高祖二年十一月漢王定三秦還歸都櫟陽蕭何侍太子治櫟陽為約束立宗廟社稷宮室縣邑五年二月甲午即位汜水之陽帝乃西都洛陽夏五月兵皆罷歸家成卒婁敬見說上曰周之先積德十餘世成王即位周公營成周都雒陽以為此天下中諸侯四方納貢職道里鈞矣有德則易以興無德則易以亡陛下取天下與周異而都雒陽不便夫秦地被山帶河

四

玉海一百七十三

十一

四塞以為固卒然有警百萬之眾可具膏腴之地此謂天府陛下入關而都之蓋天下之亢而拊其背也不如入關據秦之固或曰雒陽東有成臯西有殽黽背河鄉洛其固亦足恃上以問張良良因勸上曰雒陽中小不過數百里四面受敵非用武之國夫關中左殽函右隴蜀沃野千里南有巴蜀之饒北有胡苑之利阻三面而固守以一面東制諸侯諸侯安定河渭漕輓天下西給京師諸侯有變順流而下足以委輸所謂金城千里天府之國婁敬說是也上即日車駕西都關中

漢紀云長安為關中紀秦西以隴關為限東以函谷為界二關之中謂之關中

地方千里龍首之險西西京賦左左據函谷二二般之阻右右界褒斜城城之隘隔隔拜拜婁敬為為奉春君後後九月治治長樂宮六年六年

十二月田肯賀上曰甚善陛下得韓信又治秦中秦

形勝之國也帶河阻山隔絕千里持戟百萬秦得百

二焉地勢便利其以下兵於諸侯譬猶居高屋之上

建瓴水也夫齊東有琅邪即墨之饒南有泰山之固

西有濁河之限北有勃海之利地方二千里持戟百

萬隔千里之外齊得十二焉此東西秦也非親子弟

莫可使王齊者上還至雒陽三月歸櫟陽七月二月

自櫟陽徙都長安武帝時淮南王安獻長安都國頌惠紀元羊春

正月城長安師古曰長安本秦三年春發長安六百

里內男女十四萬六千人城長安三十日罷鄭氏曰

故連故連六月發諸侯王列侯徒隸二萬人城長安五年

春正月復發長安六百里內男女十四萬五千人城

長安三十日罷九月長安城成賜民爵一級呂氏

三調發而城始成所以休民力六年夏六月起長安西市史年表立

地理志京兆縣十二長安高帝五年置惠帝元年

初城六年成史記惠三年方築長安城四年就半

五年六年城就肥上朝惠紀功臣表陽城延為少

府作長樂未央宮築長安城先就封梧侯史大事

王海二百七十三

十三

七

城

記高帝六年更命咸陽曰長安漢隱曰盧縮已封長

立大市七年自機陽徒長安孝惠元年始作長安城

西北方前紀言五年九月城地築四年就半年初城

六年城就索隱按宮闕三年初作長安城五年成

六年立太倉西市三輔黃圖長安故城漢之舊都

高帝七年方修長安宮城自櫟陽徙居此城本秦離

宮也初置長安城本狹小至惠帝更築之皇覽曰秦

帝始高三丈五尺上闊九尺下闊一丈五尺雉高三

板周迴六十五里城南為南斗形北為北斗形周地

城同形象北斗三輔舊事至今人呼漢舊京為斗城漢舊儀曰

城中經緯各長三十二里十八步志上云地九百七

十三頃八街九陌三宮九府三廟十二門九市十六

橋間里一百六十三輔決錄長安城面三門四面

十二門皆通達九達以相經緯衢路平正可並列車

軌十二三途洞關隱以金椎周以林木左右出入為

往來之徑行者升降有上下之別西都賦建金城

之萬雉呀周池而成淵披三條之廣路立十二之通

門街衢洞達閭闔且千九市開場漢宮闕疏曰長安

在道西三市貨別遂分人不得頭車不得還紅塵四

合煙雲相連西京賦城郭之制則旁通三門參塗夷

庭方軌十二街衢相經。後鄠國志長安高帝所都。

注漢舊儀曰長安城方六十三里。經緯各長十五里。

十六里城門城口屬長安令。三秦記曰鑿龍首山

為城。城門校尉見明類。光武修東都城門見大

駕宮。元和志長安故城在長安縣西北十三里。本

云城在唐大興。袁守記長安在渭水南。隔渭水北

對秦咸陽宮。漢於其地置未央宮曰長安城。因名縣。漢

二年北徙都咸陽故秦驪山之北長安屬焉。如後屬萬年。

今京兆縣也。長安秦驪陽之地長安屬焉。如後屬萬年。

子孫京兆也。唐顯慶三年十月十七日。游覽古長安

城問侍臣。本朝慶曆中。御通英閣讀漢書紀問長

安城衆莫能知。趙師民陳自古都雍年世舊址所在。

若畫諸掌。帝悅。玉海卷二百七十三

漢南鄭城。水經注高祖為漢王都南鄭。大城周四十二里。城內

有小城。南憑北結。環雉金墉。皆漢所脩。築晉咸康中。

梁州刺史司馬勳斷小城東面三分之一。以為梁州

漢廣武城。

高紀四年十月。漢王引兵渡河。復取成臯。軍廣武。注

孟康曰。於滎陽築兩城而相對。名為廣武。城在教倉

西。三室山上。後志河南滎陽有鴻溝水。有廣武城。

城



注西征記曰有三皇山或曰三室山上有一城東廣武西廣武相去二百餘步水經注廣武城在三室山上漢所城也括地志廣武城在滎陽縣西二十里通典河南府汜水縣有廣武城

漢縣邑城

高紀六年十月令天下縣邑城注師古曰縣與邑皆令築城前傳淮南王曰守下雉之城注江夏縣名

後志南陽章陵故春陵世祖更名注古今注曰建武十八年使中郎將耿遵築城

漢廣陵城

後志廣陵注吳王濞所都城周十四里半魏志黃

初六年親幸廣陵故城

史年表楚威王十年城廣陵通典吳孫亮建興三

年衛尉馮翊城廣陵通鑑晉太和四年十二月大

司馬溫發徐兗州民築廣陵城徙鎮之

元魏孝文欲築城置戍於淮南以撫新附之民高閭

以為昔世祖南臨瓜步諸郡盡降而盱眙小城攻之

不克壽陽盱眙淮陰淮南之本原也三鎮不克其一

而留守孤城其不能自全明矣昔彭城之役既克大

鎮城戍已定而思叛者猶踰數萬角城暮爾處在淮

北去淮陽十八里五固之役攻圍歷時卒不能克  
梁韋敷至安陸增築城二丈餘更開大塹起高樓

漢城朔方 繕秦故塞 高關塞 符離

塞 榆谿舊塞 雞鹿塞

武紀元朔二年寅春正月匈奴入上谷漁陽遣將軍

衛青李息出雲中至高關師古曰高關山名在朔方北西至符

離塞名收河南地置朔方五原郡夏募民徙朔方十萬

口三年秋罷西南夷城朔方城五年春大將軍青將

六將軍兵出朔方高關衛青傳元朔二年青至隴

西捕首虜數千走白羊樓煩王遂取河南地為朔方

四四一 五海二百七十三 十六

郡師古曰當北地郡封青為長平侯使青校尉平陵

侯蘇建築朔方城上曰匈奴逆天理造謀籍兵故遣

將以征厥罪詩不云乎薄伐玁狁至于太原出車彭

彭城彼朔方詩出車箋王使南仲為將率往築今車

騎將軍青度西河至高關獲首三千三百級車輜甚

衆已封為列侯遂西定河南地案榆谿舊塞絕梓領

梁北河討蒲泥王破符離執訊獲醜全甲兵而還其

益封三千八百戶注如淳曰榆谿舊塞名也師古曰

東經榆林塞為榆谿言軍尋此塞而行神離塞名也

地理志朔方郡縣十三封沃墜並元狩三年城臨

戎元朔五年城

食貨志衛青歲以數萬騎出擊匈

奴遂取河南地築朔方云云與十餘萬人築衛朔方注師古曰築城又守衛之主父偃傳偃言朔方地

肥饒外阻河蒙恬城以逐匈奴內省轉輸戍漕廣中

國滅胡之本也上覽其說遂置朔方公孫弘諫以罷

弊中國奉無用之地使朱買臣等難弘發十策弘

不得一謝曰願罷西南夷蒼海專事朔方上許之

婁敬傳敬往匈奴結和親因言匈奴河南白羊樓煩

王去長安近七百里輕騎一日一夕可至願徙豪傑

名家實關中十餘萬口韓安國傳王恢曰蒙恬侵

胡辟數千里以河為竟累石為城植榆為塞伍被

傳廣長榆開朔方匈奴折翅傷翼失援不振注師古

曰長榆在朔方匈奴傳諸侯畔秦匈奴復稍度河

邊城

史記

王莽二夏三

十六

亦

朔二年也其明年右賢王侵擾朔方明年春漢遣衛青將六將軍十餘萬人出朔方高闕明年春再出定襄明年秋昆邪王降隴西北地河西益少胡寇云云

票騎封狼居胥山是後匈奴遠遁而幕南無王庭漢度河自朔方以西至今居住往通渠置田官吏卒五

六萬人元鼎六年天子巡邊親至朔方勒兵十八萬騎以見武節紀元封至朔方匈奴數使奇兵侵犯漢邊漢廼拜郭昌為拔胡將軍及浞野侯屯朔方以

備東胡元封四年遣長樂衛尉董忠將騎發邊郡士馬送單于出朔方雞鹿塞注師古曰在朔方

燕然銘高闕下雞鹿塞後漢紀道西北出朔方燕然銘高闕下雞鹿塞後漢紀道西北出朔方燕然銘高闕下雞鹿塞

方之郡亦棄造陽之北九百餘里後南匈奴傳元初五年春逢侯詣朔方塞降

高紀二年十一月繕治河上塞六月興關中卒乘邊塞鼂漢塞外受降城

武紀太初元年夏五月遣因杆將軍公孫敖築塞外受降城因地名匈奴傳是歲漢遣貳師將軍西伐

大宛而令因杆將軍築受降城其冬匈奴大雨雪蓄多飢寒死時烏維單于死子詹師廬立年少好殺伐

邊城

國中不安左大都尉欲殺單于使人告漢曰欲殺單于降漢漢即舉兵迎我我乃發漢聞此言乃築受降城猶以為遠其明年春漢遣浞野侯趙破奴將二萬騎出朔方北二千餘里期至浚稽山在武北而還浞野侯既至左大都尉欲發而覺單于誅之浞野侯未至受降城四百里匈奴圍之軍遂没于匈奴昭帝始元間匈奴遣九千騎屯受降城以備漢宣帝甘露三年呼韓邪單于入朝願留居光祿塞下有急保漢受降城

三百九十七

玉海一百七十三

十六

徐

上觀虜即二所見從浞野侯故道抵受降城休士注

受降城本公孫敖所築唐溫彥博曰漢武帝置降匈奴城於五原塞下全其部落得為扞蔽又不離其本俗因而撫之一則實空虛之地二則示無猜忌

漢五原塞外列城 五原塞 光祿城 塞

石門鄣 居延城 候城 繕治障塞

武紀元封元年冬十月帝歷五原出長城登單于臺太初三年夏四月遣光祿勳徐自為築五原塞外列城西北至盧朐山游擊將軍韓說將兵屯之彊弩都尉路博德築居延秋匈奴入定襄雲中行壞光祿諸亭障注晉灼曰地理志從五原柰陽縣北石門障即

得所築城師古曰漢制每塞要處別築為城置人鎮守謂之候城此即障也匈奴傳兒單于立三歲而

死子少匈奴乃立其季父烏維單于弟右賢王句黎湖為單于鉤音是歲太初三年也句黎湖單于立漢

使光祿徐自為出五原塞數百里遠者千里築城障列亭至盧朐山名而使遊擊將軍韓說長平侯衛伉屯

其旁使強弩都尉路博德築居延澤上韓說傳太初列城有漢五原城征和三年漢軍乘勝追北至范

夫人城漢將所築昭帝時匈奴入五原攻塞外亭障時漢邊郡候望精明宣帝甘露二年呼韓邪款五原

塞史記正義五原塞即五原郡榆林塞也在勝州榆

原得五三年正月入朝二月遣歸單于自請願留居光祿塞下孟康曰居幕南保光祿城注孝宣孝元約束

自長城以南天子有之長城以北單于有之有犯塞輒以狀聞降者不得受地理志五原郡秦九原郡元

相陽縣北出石門鄯得光祿城又西北得支就城又西北得頭曼城又西北得虜河城又西得宿虜城張

掖郡居延縣澤在東北古文以為流沙師古曰駟

波將軍路博德築遮虜障於居延城李陵傳天漢二將軍路博德築遮虜障於居延城李陵傳天漢福祿縣千餘里長城漢遮虜障也武威郡都尉治熊

三九十四 玉海一百七十三 二十 徐

水障北部都尉治休屠城 **馬成傳**建武十四年屯

常山中山以備北邊又代驃騎大將軍杠茂繕治障

塞自西河至渭橋河上至安邑太原至井陘中山至

鄴皆築保壁起烽燧十里一候 **西羌傳**建初二年

臨洮索西迷吾等降馬防乃築索西城 注故城在徙

隴西南部都尉戍之悉復諸亭候元和三年迷吾良

居河北歸義城 **南匈奴傳**建武二十四年春款五

原塞願求為蕃蔽扞禦北虜永平八年置度遼營屯

五原曼栢章和二年單于上言將餘兵萬人屯五原

朔方塞以為拒守 **建武**築北邊亭候保壁 **耿夔**

三五七 **三** 三五七 **五**

出居延塞圍北單于

漢朔築三城光祿居延令居 光祿塞太初三年築其

要害故也元鼎六年

漢候城 **邊城**

武紀太初三年秋光祿詣亭障注師古曰漢制每塞

要處別築為城置人鎮守謂之候城北即鄣也 **董**

仲舒曰使邊城守境之民父兄緩帶稚子咽哺 **孝**

宣時邊城晏閉牛馬布野

漢遼東城 **烏壘城** **玉門亭障** 見西

域都護

昭紀元鳳六年正月募郡國徒築遼東元菟城黃龍

城五行志元鳳五年四月燭星見奎婁間占曰有

土功邊城和六年正月築城

漢延壽城 昆侖塞

地理志河南郡緱氏有延壽城仙人祠遼西郡令支

有孤竹城應劭曰故後西域傳延光二年敦煌太

守張璠陳三策今以酒泉屬國吏士二千餘人集昆

侖塞注前書敦煌郡廣至縣有昆侖障宜禾都尉居

也

漢北邊塞 外城

三六六

玉海二百七十三

十一

匈奴傳地節二年虛閭權渠單于立是時匈奴不能

為邊寇於是漢罷外城以休百姓師古曰外城也單于

聞之喜召貴人謀欲與漢和親元帝竟寧元年單于

復入朝帝以後宮良家子王牆字昭君賜單于單于

驩喜上書願保塞上谷以西至焯煌傳之無窮請罷

諸備邊吏卒以休天子人民天子下有司議郎中侯

應習邊事以為不可許上問狀應曰臣聞北邊塞至

遼東外有陰山東西千餘里草木茂盛多禽獸木冒

頓依阻其中治作弓矢來出為寇是其苑囿也至孝

武世出師征伐斥奪此地攘之於幕北建塞徼起亭



隧築外城設屯戍以守之然後邊境得用少安幕北  
地平少草木多大沙匈奴來寇少所蔽隱從塞以南  
徑深山谷往來差難邊長老言匈奴失陰山之後過之  
未嘗不哭也前已罷外城省亭隧今裁足以候望通  
逢火而已起塞以來百有餘年非皆以土垣也或因  
山巖石木柴僵落谿谷水門稍稍平之卒徒築治功  
費久遠不可勝計臣恐議者不深慮其終始十年之  
外障塞破壞亭隧滅絕當更發屯繕治累世之功不  
可卒復對奏有詔勿議罷邊奏事趙充國傳竊見  
北邊自焯煌至遼東萬一千五百餘里乘塞列隧有

玉海卷一百七十三

二十

吏卒數千人虜數大衆攻之而不能害

韓安國傳單于穿塞將十萬騎入武州塞注師古曰

在鴈門汲黯傳匈奴攻當路塞絕和親西南夷

傳漢興關蜀故徼注西南之徼猶北方塞後西羌

傳武帝渡河湟築令居塞注令居縣屬金城郡章帝章和元年

羌入金城塞後西域傳延光二年張璠上書今以

酒泉屬國吏士二千餘人集昆侖塞前志宜禾都尉治昆侖障

南匈奴傳永建元年先是朔方以西障塞多不修復

單于上言求復障塞從之

漢雒陽城

漢城

見門類

藝文類聚李尤京師城銘曰天險匪登地

險立陵帝王設險乾坤是為

貨殖傳雒陽街居在

齊秦楚趙之中

元和志故洛陽城在縣東二十里

按華延雋洛陽記云洛陽城東西七里南北九里洛

陽城內宮殿臺觀府藏寺舍凡有一萬一千二百十

九門

顏師古曰魚豢云漢火忌水故洛去水而加

佳魏於行次為土土水之牡也故變雒為洛如魚氏

說則光武以後改為雒字

漢伊吾盧城

屬國城

明紀永平十六年二月竇固破呼衍王於天山留兵

三六十一

五海卷一百二十三

二四

屯伊吾盧城注本匈奴中地名破呼衍取其地置宜

禾都尉屯田今伊州納職縣伊吾故城是也

安紀

永初四年正月度遼將軍梁懂遼東太守耿夔破南

單于于屬國故城

馬援傳建武十一年夏拜隴西太守時朝臣以金城

破羌之西

破羌縣名屬金城故城在今鄯州湟水縣西

塗遠多寇議欲棄

之援言破羌以西城多堅牢不可棄詔武威守梁統

悉還金城客民歸者三千餘口使各反舊邑援奏為

置長吏繕城郭起塢堠開導水田勸以耕牧十九年

平嶠南援所過輒為郡縣治城穿渠

光武紀建武

城邊城

十五年二月徙鴈門代上谷民於常山居庸關二十  
六年南單于遣子入侍於是雲中五原朔方北地定  
襄鴈門上谷代八郡民歸本土遣謁者分將弛刑徒  
補理城郭趙熹傳建武二十七年拜太尉南單于  
稱臣令熹典邊事熹上復緣邊諸郡幽并二州由是  
定注建武六年徙雲中五原民于常山居庸關二十  
六年復令還虞詡傳為武都太守占相地勢築營  
壘百八十所鮮卑傳元初二年秋遼東鮮卑圍無  
慮縣州郡合兵固保清野鮮卑無所得清野謂收穀  
得熹平六年秋蔡邕議曰天設山河秦築長城漢起  
塞垣所以別內外異殊俗也守邊之衛李牧善其略  
保塞之論嚴尤申其要

三十一

玉海一百七十三

二十一

漢典農城 章陵城

水經河水又逕典農城東注世謂之胡城又北逕上  
河城東世謂之漢城薛瓚曰上河在西河富平縣即  
此也馮參為上河典農都尉所治也河水又北逕典  
農城東注俗名之為呂城皆參所屯以事農郡國  
志南陽郡章陵故舂陵世祖更名注古今注曰建武  
十八年使中郎將耿遵築城

漢河南城

邊城

書召誥太保乃以庶殷攻位于洛汭注以衆殷之民治都邑之位於洛水北今河南城也疏漢地理志河南郡治在洛陽縣河南城別爲河南縣治都邑之位於洛北今於漢河南城是也

漢襄平城 諸葛亮城 牧師城

唐志賈耽考方域道里之數一曰營州入安東道涇女羅守捉渡遼水至安東都護府五百里府故漢襄平城也六曰安南通天竺道自羊苴咩城西至永昌故郡三百里又西渡怒江至諸葛亮城二百里後漢南匈奴傳永元六年南單于及中郎將杜崇屯牧

三海卷一百七十三

二十六

師城

通典河南府澠池有古東西俱利二城即秦昭王與趙惠文王會處蓋云秦趙俱利也

蜀漢漢樂城

蜀志建興四年春都護李嚴自永安遷住江州築大

城今巴郡七年冬築漢樂二城

揚雄作成都城四壩銘

魏三城 新城

魏志明帝青龍二年五月孫權居巢湖口向合肥新城六月滿寵欲拔新城帝不聽曰先帝東置合肥南

城一

守襄陽西固祁山賊來輒破三城之下者地有所必爭也縱權攻新城必不能拔勅諸將堅守七月壬寅帝東征吳志黃龍二年正月魏作合肥新城注晉紀曰魏文帝在廣陵吳人大駭乃臨江為疑城自石頭至于江乘通典明帝時滿寵上表合肥縣西北三十里立城名新城

魏陳倉城

元和郡縣志陳倉上下二城相連上城秦文公築下城魏太和中將軍郝昭築築城訖諸葛亮來攻雲梯衝車晝夜攻拒二十餘日亮無利引去城在鳳翔寶雞縣本秦陳倉

倉

三海百七十三

五

魏石鼈城

通典楚州安宜魏鄧艾築石鼈城在縣西八十里以營田晉穆帝時荀羨云淮陰沃野有開殖之利方舟運漕無地屯兵乃營立城池有平陽石鼈田稻豐饒

魏鴈門城

韋招傳為鴈門太守通河西鮮卑附頭等十餘萬家繕治陘北故上館城置屯戍以鎮內外

吳濡須塢

吳志建安十六年徙治秣陵明年城石頭改秣陵為

建業聞曹公將來侵作濡須塢十八年正月曹公攻濡須相距月餘乃退水注作油船夜渡州餘以赤烏四年八月陸遜城邾呂蒙傳拒曹公於濡須數進奇計又勸夾水口立塢諸將皆曰上岸擊賊洗足入船何用塢為蒙曰兵有利鈍戰無百勝如有邂逅敵步騎蹙人不暇及水其得入船乎遂作之通典和州歷陽西南百八十里有濡須水孫權築塢

吳建業城 石頭城

吳志孫權黃龍元年九月自武昌遷都建業晉改為左思吳都賦郭郭周匝重城結隅通門二八水道

四十一

三原一七十三

二

齊

陸衢 孫權城名石頭改秣陵為建業輿地志曰都城二十里十九步權錐城石頭以鎮江險其都邑則在建業故城歷代所謂都城者六朝因之諸葛孔明云鍾山龍蟠石頭虎踞則南朝都城襟拖左右槩可見矣晉宋以來面淮有朱雀航宋文帝作元武湖蓋傳會龍蟠虎踞而為此名也曰臺城則宮省所屬也曰東府西州城則諸王若宰相居之曰倉城則儲蓄所在也以宮室記攷之皆都城之內然舊城在北金陵城也吳改為石頭城建安十六年吳大帝修築

城一覽

以置財寶軍器有戍吳都賦云戎車盈於石城是也  
晉臺城在縣東北五里咸和六年使王彬營造七年  
遷新宮即此城也建康故城在縣南三里東府城在  
縣東十里輿地廣記孫權初鎮丹徒謂之京城後  
徙都秣陵改為建業晉元帝復都焉改丹陽太守為  
尹通監自晉以來建康宮之外城唯設竹籬而有  
六門齊建元二年五月命改立都牆世說叙錄丹  
揚冶城去宮三里王隱晉書江乘南岸有琅邪城  
立琅邪內史以治之唐書韓滉築石頭五城自京  
口至土山修塢壁起建業抵京峴樓雉相望

水經注

卷之七十三

土

却月城 吳夏口城

水經注沔左有却月城亦曰偃月壘戴監軍築船官  
浦東即黃鵠山東北對夏口城魏黃初二年孫權所  
築依山傍江開勢明遠憑墉藉阻高觀枕流吳志  
黃武二年正月城江夏山

晉荊州五城

羊祜傳都督荊州吳石城守去襄陽七百餘里祜以  
詭計令吳罷守祜以孟獻營武牢而鄭人懼晏弱城  
東陽而萊子服乃進據險要開建五城收膏腴之地  
石城以西盡為晉有水經注沔水南逕石城西城

城一百一十城

因山為固晉羊祐鎮荊州立

漢諸葛孔明曰荊州北據漢沔利盡南海東連吳會西通巴蜀此用武之國  
吳赤烏十一年春正月朱然城江陵

晉卧龍城

水經注晉書涼州城有龍形故名卧龍城南北七里東西三里本匈奴所築也

晉上明城石城

元和郡縣志江陵府松滋上明故城在縣西一里苻堅南侵亘冲為荊州刺史渡江南上明築城以禦之

三五五

五海一百七十一

上明在縣東三十步明猶渠也相承云昔晉末朱齡石開三明引江水以灌稻田  
亘冲傳欲移阻江南

上疏曰自中興以來荊州所鎮隨宜迴轉臣兄温經略中原因江陵路便即而鎮之今宜全重江南輕戍

江北南平孱陵縣界地名上明在吳時樂鄉城以上四十餘里北枕大江西接三峽於是移鎮上明使劉

波守江陵揚亮守江夏  
蔡謨傳征西將軍庾亮欲移鎮石城謨議曰沔水之險不及大江自沔已西水

急岸高魚貫泝流首尾百里若賊及我未陣而擊之將如之何亮不果移鎮陳光請伐胡詔令攻壽陽謨



上疏曰。今壽陽城小而固。自壽陽至琅邪。城壁相望。其間遠者裁百餘里。一城見攻。衆城必救。謨所統七千餘人。所戍東至土山。西至江乘。鎮守八所。城壘凡十一處。烽火樓望三十餘處。隨宜防備。甚有等略。庾亮傳。襄陽北接宛許。南阻漢水。其險足固。其土足食。臣宜移鎮襄陽之石城下。并遣諸軍羅布江沔。謝安傳出鎮廣陵之步丘。築壘曰新城。

晉石頭城

水經注。丹陽記。石頭城。吳時悉土塢。義熙始加埽累石頭。因山以爲城。因江以爲池。形險固有奇勢。故諸葛亮曰。鍾山龍盤。石城虎踞。江寧縣北三十里有白馬城。吳時爲烽火之所。江寧圖曰。石頭城。吳之金陵城。建康圖。元帝渡江。歷六代都之。輿地志。金陵有東府城。晉安帝時築其城西。本簡文爲會稽第。其東則丞相會稽王府。時人號爲東府。西州圖經曰。金陵有古冶城。本吳鑄冶之地。吳紀。陟曰。自西陵以至江都。五千七百里。疆界雖遠。而險要必爭之地。不過數四。猶人雖有八尺之軀。靡不受患。其護風寒亦數處耳。

後魏長城 隋長城

通鑑魏高祖太和八年九月中書監高閭上表以為  
北狄悍愚同於禽獸所長者野戰所短者攻城若以  
狄之所短奪其所長則雖衆不能成患雖來不能深  
入又狄散居野澤隨逐水草戰則與家業並至奔則  
與蓄牧俱逃不齎資糧而飲食自足是以歷代能為  
邊患六鎮勢分倍衆不闔互相圍逼難以制之請依  
秦漢故事於六鎮之北築長城擇要害之地往往開  
門造小城於其側置兵捍守狄既不攻城野掠無獲  
草盡則走終必懲艾此六鎮東西不過千里一夫一  
月之功可城三步之地強弱相兼不過用十萬人一

月可就雖有暫勞可以永逸凡長城有不利罷遊防  
之苦一也北部放牧無鈔掠之患二也登城觀敵以  
逸待勞三也息無時之備四也歲常遊運求得不匱  
五也帝優詔荅之一本云長安自城西至五原延袤

上表帝世宗正始元年九月柔然侵魏之沃野及懷

朔鎮詔車騎大將軍源懷出行北邊指授規畧隨須  
興發皆以便冑從事懷至雲中柔然遁去懷以為用  
夏制夷莫如城郭還至常代案觀諸鎮左右要害之  
地可以築城置戍之處欲東西為九城及儲糧積仗  
之宜犬牙相救之勢作五十八條表上之曰今定鼎

成周去北遙遠代表諸國頗或外叛乃應創戎馬甲  
兵十分闕八謂宜準舊鎮東西相望令形勢接築城  
置戍兵要害勸農積粟警急之日隨便剪討彼遊騎  
之寇終不敢攻城亦不敢越城南出如此北方無憂  
矣魏主從之東魏孝靜帝武定元年八月丞相歡築  
長城於肆州北山西自馬一作馬陵戍東至土陞四十  
日罷齊顯祖自西河總秦戍築長城東至於海前後  
所築東西凡三千餘里率十里一戍隋文帝開皇元  
年召沂州刺史韋冲為兼散騎常侍時發稽胡築長  
城汾州胡千餘人在路亡叛帝召冲問計對曰夷狄  
之性易為反覆皆由牧宰不稱之所致臣謂以理綏  
靖可不勞兵而定冲綏懷叛者片餘皆至并起長城  
之役隋文帝紀開皇元年四月發稽胡修築長城  
二旬而罷六年二月丁亥發丁男十一萬修築長城  
二旬而罷五年使司農少卿崔仲發丁男三萬於朔  
百里以過朔方以東緣邊險要仲發丁男七  
發丁十萬修築長城二旬而罷十九年十月甲午以  
突厥利可汗為啓人可汗築大利城處其部落

後周玉壁城

輿地廣記絳州稷山縣後周置勳州有玉壁城後周

王思政所築為重鎮齊神武再攻圍不克韋孝寬代思政鎮玉壁高歡攻之智力皆困

隋大興城 新都

文帝紀開皇二年六月丙申詔左僕射高穎等創造新都於龍首山以宇文愷有巧思領營新都副監十

二月丙子名新都曰大興城高祖龍興三年三月丙

辰入新都四年四月丁未宴突厥高麗吐谷渾使者

於大興殿三年改萬年縣二縣曰大興十八年十一月詔

自京師至仁壽宮置行宮十有二所湯帝紀大業

九年三月丁丑發丁男十萬城大興西京記大興

玉海卷一百七十三

城南直子午谷漢都城在長安鄉在渭水南杜縣地隋唐都城在龍首原蓋漢城南十三里也

隋雍州城

地理志開皇三年置雍州城東西十八里一百十五

步南北十五里一百七十五步東面通化春明延興

三門南面啓夏明德安化三門西面延平金光開遠

三門北面光化一門里一百六市二

玉海卷第一百七十四

浚儀王應麟伯厚甫

宮室

城下 邊城附

唐京城

地理志上都關內道古城京城前直子午谷後枕龍首

山左臨灞岸右抵灃水其長六千六百六十有五步

廣五千五百七十五步周二萬四千一百二十步其

崇丈有八尺高祖紀大業十三年十一月丙辰克

京師命宋公弼收圖籍約法十二條六月庚午進屯

長安

玉海卷一百七十四

長安故城十一月攻大興城下之武德元年五月改

隋大興殿為太極殿昭陽門為順天門紀高宗永

徽五年十月癸卯築京師羅郭起觀于九門會要十

門日和崔四萬一千人修京羅城郭三十日畢九元

宗開元十八年四月乙卯會要築京師外郭九十日

罷德宗正元四年冬築夾城長安志兩京京城隋

文帝開皇二年自故都徙其地呂氏圖云南在漢故

城之東南屬杜縣周之京兆郡萬年縣界南值終南

山子午谷北據渭水東臨灞西枕龍首原外郭城隋

大興城文帝初封大興公及即位以名城縣東西十

城

八里一百一十五步南北一十五里一百七十五步周六

七十里隋志曰大興宮開皇二年六月築唐永徽四年興

天下一口稅一錢更築之高宗於大興城北別建大明宮

遂名西內城南面三門正中曰明德門北當皇城抵終南

十里東曰啓夏門丘外西南二里有壇西曰安化門

東面三門北曰通化門憲宗送于蔡州中曰春明門南

曰延興門西面三門北曰開遠門中曰金光門西

池南曰延平門北面一門曰光化門隋志曰同市皇

城俗號城東西五里一百一十五步南北三里一百四

十步南面三門正南曰朱雀門東曰安上門西曰含

五百十

三海卷百七十一

名

光門東南二門南曰景風門北曰延喜門西南二門

南曰順義門北曰安福門城中南北七街東西五街

六典曰今霖雨閉坊門宋

隴阨前終南後九變南三門中明德左啓夏右安化

東面三門中春明北通化南延興西面三門中金明

北開遠南延平皇城在京城之中南面三門中朱雀

左安上右含光東面二門北延喜南景風西面二門

北安福南順義其中左宗廟在安上門右社稷在含

之百寮廨宇列乎其門凡省六寺九臺一監四衛十

有八左右衛左右領衛軍左右監門衛左右千牛衛左右

右羽林軍衛

東宮官屬凡府一坊二坊

坊左

春寺三

家僕

率

率府十

左衛左右衛左右監門內

司

劉弘基傳次長

安故城大所與城振隊金光門

許敬宗傳

顯慶三

年高宗於古長安城遊覽令敬宗與弘文學士檢秦

漢以來歷代宮室處所奏其年代

會要云顯慶三年十月十七日

於古長安城遊覽問侍臣曰朕觀故城舊址自秦漢以來幾代都此許敬宗曰秦都咸陽渭水貫都以象

始築此城

唐都城三重京城皇城宮城城有皇使

三都上都東都

北都

唐太微城 東都皇城

地理志

東都隋置

河南道古豫州之域隋紀大業元年三月丁未營建東京二年正月辛酉東京成

隋皇城長千八百一十七步廣千

三百七十八步周四千九百三十步崇三丈七尺曲

折以象南宮垣名曰太微城

通典開元元年改洛

州為河南府

宋會要京城周回五十二里城內一

百二十坊

唐東都紫微城

地理志東都宮城在皇城北長千六百二十步廣八

百有五步周四千九百九十一步崇四丈八尺以象

北辰藩衛名曰紫微城武后號曰太初宮 皇朝開

寶八年十月丁巳修西京宮室將議幸洛也宮城周回九里三百步舊名曰紫微城

唐東都金城

地理志東都都城前直伊闕後據邙山左灑右澗洛水貫其中以象河漢東西五千六百一十步南北五千四百七十步西連苑北自東城而東二千五百四十步周二萬五千五十步其崇丈有八尺武后號曰金城凡二會要天寶二年正月二十八日築神都羅城號曰金城通典洛陽金墉城在故城西北角魏明帝築

唐北都都城

大明城

又見晉陽宮

地理志北都河東道都城左汾右晉潛丘在其中

長四千三百一十一步廣三千一百二十二步周萬五千一百五十三步其崇四丈汾東曰東城正觀十一年長史李勣築兩城之間有中城武后時築以合東城宮為大明城故宮城也宮城東有起義堂倉中有受瑞壇崔神慶傳武后擢并州長史親為按行圖遣之初州隔汾為東西二城神慶跨水聯堞合而一之省防禦兵數千

東魏武定三年正月丁未於并州置晉陽宮



唐宮城

見宮類

唐碎葉城

地理志焉耆都督府正觀十八年滅焉耆置有碎葉城北庭都護府渡伊麗河至碎葉界又西行千里至碎葉城水皆北流入磧安西都護府有保大軍屯碎葉城碎葉川口至裴羅將軍城又西二十里至碎葉城城北有碎葉水會要調露元年九月安西都護王方翼築碎葉城四面十二門為屈曲隱伏出沒之狀五旬而畢又云瀚海軍大軍並在碎葉城裴行儉傳儀鳳二年

三海百七十四

十姓可汗阿史那都支及李遮旬誘蕃落以動安西調露元年裴行儉因策送波斯奏王方翼為副兼檢校安西都護權以制事至西州揚言大熱未可進徐召四鎮酋長偽約佃陰勒部倍道而進去都支帳二十餘里使人召之都支倉卒不知所為詣營約遂禽之是日傳契箭召請部酋長悉來請命並執送碎葉城襲遮旬遮旬降悉俘至京師將吏為刻石碎葉城紀功王方翼傳用裴行儉奏為安西都護築碎葉城面三門紆還多趣以詭出入五旬而畢西域胡縱觀莫測其方略悉獻珍貨波斯傳調露元年詔裴

行儉將兵護還以道遠至安西碎葉。焉耆傳開元  
七年十姓可汗請居碎葉。西域傳有碎葉者出安  
西西北千里。絲勃達嶺北行羸千里得細葉川。東曰  
熱海地寒不凍。西有碎葉城。天寶七載北庭節度使  
王正見伐安西毀之。通監開元二年三月己亥磧  
西節度使阿史那獻克碎葉等鎮斬都擔。

### 唐伊吾城

西域傳伊吾城者漢宜禾都尉所治。商胡雜居。勝兵  
千。附鐵勒人驍悍。土良沃。隋末內屬。置伊吾郡。正觀  
四年城酋來朝。頡利滅。舉七城降。列其地為西伊州。

通監九月  
戊辰入朝

三海百七四

### 唐永定壘

地理志邠州新平有永定壘二。太宗討薛舉置。

### 唐長安城

許敬宗傳帝嘗幸故長安城。按蹕裴回。視古區。處問  
侍臣秦漢以來幾君都此。敬宗曰。秦居咸陽。漢惠帝  
始城之。其後苻堅姚萇宇文周居之。帝復開漢武開  
昆明池。實何年。對曰。元狩三年。將伐昆明。實為此池。  
以肄戰。帝乃詔與弘文學士討古宮室。故區具條以

開高宗顯慶三年  
十月十七日

唐和戎城

郭元振傳武后時突厥吐蕃連兵寇涼州長安元年拜元振為涼州都督初州境廣輪纔四百里虜來必傳城下元振始於南硤口置和戎城北磧置白亭軍制東要路拓境千五百里自是州無虜憂又遣甘州刺史李漢通闢屯田盡水陸之利稻收豐衍地理志涼州西北五百里有白亭軍本守捉天寶十四載為軍

唐河北三受降城 又見下段

中宗紀景龍元年五月戊戌張仁亶為朔方道行軍

王海上七十四

大總管以備突厥通監十月丁丑擊突厥大破之

城事張仁愿傳音類仁愿本名仁亶以神龍三年朔方

軍總管沙吒忠義為突厥所敗詔仁愿攝御史大夫

以代之始朔方軍朔方即豐州也與突厥以

河為界北厓岸也有拂雲祠突厥每犯邊必先謁祠禱

解然後料兵度而南時默啜悉兵西擊突騎施會要

葛仁愿請乘虛取漠南地於河北築三受降城絕虜

南寇路唐休璟以為兩漢以來皆北守河今築城虜

腹中終為所有仁愿固請中宗從之表留歲滿兵以

助功時咸陽兵二百人逃歸仁愿盡擒之斬於城下

軍中股慄役者盡力六旬而三城就論弓仁為朔方神龍

前鋒遊奕使時張仁愿築三受降城弓仁以兵出諾

真水草心山為邏備會要景雲二年三月一日張

仁曹請築三受降城睿宗從之三月皆擄津濟遷相

應接請通監景龍二年戊申二月丙辰朔仁愿築三

受降城於河上七月癸巳以仁愿同中書以拂雲為

門下城三品元志神龍三年仁愿置

中城南直朔方西城南直靈武東城南直榆林州三

壘相距各四百餘里其北皆大磧斥地三百里而遠

又於牛頭朝那山元和志作牛北置烽候千三百所

會要一千八百所元和志同自是突厥不敢逾山牧

馬朔方無寇歲損費億計減鎮兵數萬初建三城也

不置壅門曲敵戰格或曰邊城無守備可乎仁愿曰

兵貴攻取賤退守寇至當併力出拒敢回望城者斬

何事守備退怙其心哉後常元楷代為總管始築壅

門議者益重仁愿而輕元楷地理志豐州九原郡

東受降城景雲三年朔方總管張仁愿築三受降城

寶曆元年五月振武節度張惟清以東城濱河徙置

綏遠烽南會要云賜錢一百萬中受降城有拂雲堆

祠接靈州境蕃攻靈豐霞寓以六五年拜振武節度吐

引有關元和九年五月置又有橫塞軍天寶八載三

之西有天安軍皆天寶十二載置天德軍乾元後徙

王濛言古曲

城

屯永濟柵故大同城也元和九年宰相李吉甫奏脩

復舊城北有安樂戍志又云安北大都護府開元二

德軍通監開元二年閏二月王峻兼安北大都護

令豐安定遠三受降城皆受節度徙大都護府於中

受降城置西受降城開元初為河所圯十年摠管張

兵屯田說於城東別置新城北三百里天寶元年王忠嗣併

受降振武為一城 呂溫三受降城銘曰韓侯受命

平在朔易北方之強制以全策巨漢橫塞揭茲雄壁

如三闖龍躍出大澤並入襟帶各閉風雷俯視陰山

仰看昭回一夫登陴萬里洞開日晏秋盡纖塵不來

我聖耀德罷肩北門優而柔之用息元元曷若全守

三海卷一百四

推亡固存于襲于夷永裕後昆序曰斥候迭望幾二

千所損費億計減兵萬人東極于海西窮于天納陰

山於可眸拳大漠於一掌 仁愿封韓公制曰橫却

月於天街劃長雲於地脉 李華韓公廟碑銘曰公忠

貫神明慮幾造化鎮以長策潰其奸謀奪漣拂雲維

而城之並河之阿列築三鎮將精志銳談笑就役匈

奴不敢南視雷哭而遁憑墉而望匹馬單兵不匿形

影虜中是械手足而剝腹心天下減征役之半三城

既就刊木標櫓記之種落刻其降年後皆如之銘曰

沉泉雷動機發冥冥功奮三城人謠億齡北狄頓賴

山戎來庭萬里寢杵緣河罷局後人思仁願為立祠

按傳志會要通典等書築三城歲月不同會要作

景雲二年三月一日志作景雲三年傳作神龍三

年元通志同通典景龍中呂溫記景龍二年通監今考

之紀神龍三年五月戊戌仁愿為摠管會要其年

九月改景龍當以傳為定傳云神龍三年請中宗

從之會要乃云景雲二年三月一日蔡睿宗從之

通典恐志會要年月非而呂溫記與傳通監是

寶錄兼紀傳元和七年正月癸酉振武河溢毀東受

降城八年七月辛酉李光進請修東受降城通監止

城為廬坦傳兼理河防李吉甫請移其兵於天德故

城李絳廬坦以為城當磧口據虜要衝得制匈奴上

策豐水美草邊防所利今避河患退二三里可矣奈

何捨萬代久安之策為一時省費之謀况天德故城

僻處确瘠去河絕遠烽候不接虜忽唐突是蹙國二

百里也城使周懷義奏利害與絳坦同上卒用吉甫

策以受降城騎士隸天德軍通監在八年七月當從

四人隸天德軍或是三城都數李司空論事云中

降城與靈州城接界請置關從之列傳王晁為朔

州刺史

玉海百七十四

方大捩管，蹶跌部及僕固都督，勿磨等散保受降城之鄙，潛引突厥內擾，駿誘誅之。開元八年張齊丘為朔

方節度，天寶八載三月於中城西北五百餘里築橫塞

軍。郭子儀為琿城大曆十四年兼振武東受降城鎮

北大都護。李景略正元中為天德軍西受降城都

防禦使。李吉甫元和八年請起夏州至天德復驛

候十一區以通緩急，發夏州精騎五百屯經略故城

以護党項。張惟清為振武節度請戶部錢十四萬

修東受降城。韓重華為十五屯，就高為堡，東起振

武西過雲州界，極於中受降城，出入河山之際，六百

餘里。**通監**會昌二年二月李德裕請修東中二受

降城以壯天德形勢，從之。**地理志**中受降城正北

八十里，呼延谷口有歸唐柵車道也。入回鶻使所經

幽州城內有經略軍，有約降軍，本納降守捉城，故丁

零川也。西南有安塞軍，赫連城。李光顏傳裴度伐蔡

唐三受降城。見上段

元和志天德軍本安北都護，正觀二十一年於今西

受降城東北四十里置燕然都護，天寶八年張齊丘

置橫塞軍，十二年安思順奏廢軍，請於大同川西築

城置軍，賜名天安軍，十四年築城功畢，乾元後改為

邊城

天德軍西南移三里權居永清柵又移西受降城後  
頻為河水所侵元和八年春河溢城南百多毀壞防  
禦使周懷義上表請脩築約錢二十一萬李吉甫密  
陳便宜請修天德舊城以安軍鎮曰西城是開元十  
年張說所築今河水毀其半不堪重脩其子城猶堅  
量留千人足得居住察天德舊城在西城正東徼南  
一百八十里其處見有兩城本永清柵即隋大同城  
去本城約三里城甚牢小今隨事宜置仍存天德軍  
額北城周迴十二丈高四丈下闊一丈七尺天寶十  
二載安思順所置其城居大同川中當北戎大路屬

四六

玉海百七四

十一

祿山有事為賊將破焚遂移永清柵別置理所於西  
城力所不足實非遠圖臣計料脩此城不過二萬貫  
錢今若於天德舊城隨事增飭因有移換仍取城隸  
天德軍別置使名自為雄鎮可警殊鄰詔從之於是  
復移天德軍理所於舊城焉東受降城本漢雲中郡  
地在榆林郡東北八里今屬振武節度中受降城本  
秦九原郡地漢元朔二年更名五原開元十年又於  
此城置安北大都護府後又移徙事具天德軍敬本古城  
在中城北四十里鄭虔軍錄曰時人以張仁愿河外  
築三城自古未有今敬本城周一萬八百七十二步



壕塹深峻亦古之堅守也賈耽古今述曰以地理求之  
前代九原郡城也西受降城在豐州西北八十里  
蓋漢朔方郡地臨河縣故理處開元初為河水所壞  
十年總管張說於故城東別置新城今城西南隅又  
為河水所壞舊天德軍理此城元和東受降城在朔  
州北三百五十里本漢定襄郡之盛樂縣也武德四  
年置雲州正觀二十年改都督府麟德三年改單于  
大都護府垂拱二年改鎮守使聖曆元年改置安北  
都護開元七年隸屬東受降城八年復置單于大都  
護府今為振武理所

四十一、  
玉海百七四  
十三  
濟

賧兼安北大都護朔方大總管令豐安定遠三受降  
城皆受節度徙大都護府於中受降城置兵屯田  
唐休璟云豐州控河遏寇號為襟帶

唐豐安定遠城又見下 羊馬城

郭元振傳先天元年為朔方大總管二年正月築豐

安定遠城關內兵得保頓地理志靈州黃河外有

豐安定遠新昌等軍豐寧保寧等城武德四年析巡

豐安軍在靈州黃河西去州一百八十里豐安城警州

本定遠城在靈州東北二百里先天二年郭元振置

後為上縣隸靈州景福元年靈威節度使韓遵表為

定城

州杜鴻漸傳太子按軍平涼議出蕭關趣豐安曰靈  
副大我之關中王海賓豐安軍使王駿為朔方  
武留後定遠城使遠等城並受節度曰元光為靈  
天德軍節度

羊馬城幅員十四里信安王禕所築元和志定遠

城在靈州東北一里即漢北地郡方渠縣之地以豐

安勢孤置此有兵五千五百鎮之見後六典朔方

節度使其統有豐安軍定遠城

唐長城

地理志媯州懷戎縣北九十里有長城開元中張說

築東南五十里有居庸塞東連盧龍碣石西屬太行

常山實天下之險有鐵門關通典古居庸關在幽州

三十七王海百七十四十四

下九塞居庸是其一也

元魏以柔然寇邊自赤城西至五原築長城二千餘

里隋開皇五年使司農少卿崔仲方發丁三萬於朔

方靈武築長城東距河西至綏州縣歷七百里以遏

胡寇太宗正觀二年九月己未突厥寇邊或請修古

長城上曰朕方掃清沙漠安用勞民志過金可經後

金河過古長城九十二里至吐俱麟川

唐威戎城

地理志安西撥換城一曰威戎城

唐營州城

宋慶禮傳為河北營田使初營州都督府治柳城扼制奚契丹武后時趙文翽失兩蕃情攻殘其府更治東漁陽城元志聖曆元年元宗以奚契丹款附欲復治故城宋璟爭不可慶禮執處其利詔與姜師度邵宏等為使築栽三旬畢志開元五年兼營州都督張九齡曰慶禮城營州士纜數千無甲兵強衛指期而往不失所慮遂罷海運邊亭晏然

唐鹽泉城 石堡城

唐曆開元二十六年三月隴右節度留後杜希望攻吐蕃新城拔之以為威武軍志在七月希望發鄯州

手海百七四

十五

用

兵奪虜河橋并河築鹽泉城號鎮西軍破吐蕃兵三萬人志河州西百八十里有

會要開元十八年三

月二十四日甲寅朔方節度信安王禕攻吐蕃石堡

城本名鐵拔之四月改為振武軍二十九年十二月

六日陷天寶八載六月哥舒翰又拔之閏六月三日

乙丑以為神武軍哥舒翰傳下石堡城以赤嶺為

西塞渾城傳從拔石堡城龍駒峽勇常冠軍地

理志鄯州鄯城定戎城又南隔澗七里有天威軍軍故石堡城天寶八載克之更名

唐平戎城 安戎城

唐曆開元二十七年十二月章仇兼瓊節度劔南二十八年三月兼瓊謀誘吐蕃安戎城主為應導官軍入盡殺虜戍以監察御史許遠守之吐蕃圍城絕水五明十會石裂泉涌引去二十十月詔改安戎為平戎云高適傳始上皇分劔南為兩節度面西山三城列戍適上疏曰東西川實一道自邛關黎雅抵南蠻由茂而西經羌中平戎等城界吐蕃瀕邊諸城皆仰給劔南平戎以西數城皆窮山之顛蹊隧險絕運糧束馬之路坐甲無人之鄉南蠻傳茂州西南築安戎城絕吐蕃通蠻之道儀鳳二年蓋州長史李逸此為卿導陷而據之時吐蕃幅員餘萬里西戎未有

三五

手海百七四

二六

月

羌為曲環傳德宗初虜寇劔南以邠隴兵五千馳救收七盤城威武軍維茂等州虜破走韋臯傳正元中建安夷軍於資州維制諸蠻城龍谿於西山保納降羌五行志開元二十八年六月吐蕃圍安戎城斷水路城東山鳴石圻湧泉

唐大同靜邊城

平戎十八策

天德城

又見上

王忠嗣傳節度朔方天寶元年上平戎十八策三載斬米施築大同靜邊二城徙清塞橫野軍實之併受

自述城

降振武為一城虜不敢盜塞徙河東節度自朔方至雲中袤數千里擄要險築城堡斥地甚遠自張仁愿後四十餘年忠嗣繼其功

**會要**正觀十三年吐谷渾叛置靜邊鎮儀鳳三年置積石軍

**地理志**關內豐州中受降城西二百里大同川有天德軍大同川

之西有天安軍皆天寶十二載置天德軍乾元後徙屯永濟柵故大同城也河東代州北有大同軍本大

武軍調露二年曰神武天授二年曰平狄大足元年

更名其西有天安軍天寶十二載置

**會要**大同軍在朔州馬邑縣開元五年於大同軍

朔州馬邑縣開元五年於大同軍 **王**

城置蔚州東北有橫野軍

開元十二年乾元元年徙天成軍合之而廢橫野軍西有清塞軍本清塞守捉

城正元十五年四月置安樂戍在河西壩其東壩有古大同

城今大同城故永濟柵也

**郭子儀傳**天寶十四載祿山反子儀為朔方節度收靜邊軍斬賊將周萬頃遂

收雲中馬邑開東陁

**渾瑊傳**天寶中破阿布思與諸軍城永清及天安軍

**會要**天寶八載三月於木刺山置橫塞軍城改為天德軍郭子儀為使

子儀傳 **回鶻傳**元

可耕徙禁永清號天德軍以使兼九原 **回鶻傳**元和末可汗以三千騎至礪鵝泉振武以兵屯黑山治

天德城備虜會昌中烏介攻天德城劉沔屯雲伽關拒之盟沒斯降即天德為歸義軍拜軍使 六典河東節度使其統有大同橫野奇嵐三軍

唐應龍城

哥舒翰傳天寶七載十二月為隴右節度副大使築神威軍青海上吐蕃攻破之更築城於龍駒島有白龍見因號應龍城翰相其川原宜蓄牧謫罪人二千戍之吐蕃不敢近青海十三載兼河西節度三月破吐蕃洪濟大莫門等城 莫門軍儀收黃河九曲置洮陽郡築神策宛秀二軍 王難得傳復收五橋進白

言八十五

玉海百七四

十一

又

水軍使收九曲 曲環傳天寶中從翰拔石堡取黃

河九曲洪濟等城 地理志洮州西八十里磨環川

有神策軍天寶十三載置寧塞郡西有寧邊軍西八十里宛秀城有威勝軍西南百四十里洪濟橋有金天軍東南八十里百谷城有武寧軍南二百里黑峽川有曜武軍皆十三載置鄯州有安人威戎軍綏和合川二守捉城肅州有酒泉威遠二守捉城 李嗣

業傳天寶中為疏勒鎮使城一隅阨屢築輒壞嗣業祝之有白龍見因其處蒞祠以祭城遂不壞

漢志鴈門郡馬邑注晉太康地記云秦時建此城不

成有馬周旋馳走因依以築城遂名馬邑

唐會昌城

會要天寶六載十二月二十一日壬戌築會昌城於湯所置百司及公卿邸第地理志京北府昭應天寶元年更驪山曰會昌山三載析新豐萬年置會昌縣六載築羅城置百司及十宅

唐長武城

地理志邠州宜祿有長武城列傳李懷光為邠寧節度頻歲率師滅長武以處軍士城據原首臨涇水俯瞰通道為要防渾瑊以朔方兵馬使屯宜祿大

三十五

玉海卷百七十四

十九

曆七年擊吐蕃破之自是歲防長武城盛秋戴休顏城邠州功最韓全義為長武城使正元三年吐蕃犯長武城全義拒之高崇文從韓全義鎮長武城治軍有聲崇文以長武城使討劉闢練卒五千常若寇至高霞寓元和初代高崇文為長武城使

唐綏遠城

綏戎城

都護府四壘

地理志古雲中城又西五十五里有綏遠城皆靈夏以北蕃落所居安西撥城一曰威武城鄯州鄯城有河源軍西六十里有臨蕃城又西六十里有白水軍綏遠城又西南六十里有定戎城李元諒傳正元

三年更御度隴右治良原隴州良原隍堞湮圯元諒  
培高浚淵又築連弩臺遠烽候為守備進據勢勝列新  
壁涇隴以安 劉沔傳徙振武節度開成三年突厥  
劫營田沔發吐渾契苾沙陀部萬人擊之賊一轡無  
返者築都護府西北四壘

唐朔方五城

郭子儀傳上書曰朔方國北門西禦犬戎北虞獫狁  
五城相去三千里開元天寶中戰士十萬馬三萬匹  
僅支一隅自靈武從征討比天寶中止十之一今吐  
蕃兼吞河隴雜羌渾之衆勢踰十倍與之角勝豈易得

四

三海卷百七十四

二十

邪家傳云大曆九年上表今以朔方城十倍之願於

諸道料精卒滿五萬列屯北邊則制勝可必通鑑九

癸地理志夏州朔方縣長慶四年會要節度使李

祐築烏延宥州臨塞陰河陶子等五城于蘆子關北

以護塞外宥州城寶應後廢元和九年於經略軍復

置延恩縣有經略軍在榆多十五年徙治長澤元和

宥州城修為吐蕃所破長慶四年李祐復奏置

唐晉陽城

馬燧傳念晉陽王業所基宜固險以示敵乃引晉水  
架汾而屬之城渚為東隍省守裨萬人又醞汾環城

城邊城



植以固隄

建中四年河東節度馬燧西引晉

水架汾而城之東瀦以為池

唐平涼城 連雲堡 彰信堡

通監正元四年劉昌復築連雲堡七年二月戊戌詔

涇原節度劉昌築平涼故城平涼在涼州西一百五十里詔曰平涼當四

會之衝居扼彈箏峽口浹辰而畢昌又築朝谷堡甲

子名堡曰彰信在平涼西三月十五日築劉昌傳正元七

年城平涼關地二百里扼彈箏峽又西築保定扞青

石嶺凡七城二堡旬日就以功檢校右僕射

志涇州潘原縣後省為彰信堡正元十一年復置

王海百七十四 六一

舊紀正元七年二月己巳涇原帥劉昌復築平涼城

城去故原州一百五十里本原之屬縣地當禦戎之

衝要浹辰而功畢分兵戍之逆患稍弭三月甲子劉

昌築胡谷堡實錄作朝谷改名彰義堡實錄作彰信堡在平涼

西三十五里亦禦戎要地

唐鹽州城

地理志鹽州五原郡本鹽川正觀二年梁師都平復

置州秦漢北地郡以有保塞軍正元十九年置

吐蕃傳正元二年十一月吐蕃攻鹽夏刺史杜彥光

拓跋乾暉不能守虜遂有其地志三自虜得鹽州塞

防無以障遏靈武單露鄜坊侵迫寇數入為邊患八

年壬申帝復詔城之使涇原劔南山南深入窮討分

其兵毋令專嚮東方詔渾瑊副元帥杜希全都統張獻甫

鄜邢君牙行營韓潭夏王柶曜鄜坊范希朝武振合兵

三萬以左右神策將軍胡堅張昌為鹽州行營節

度使板築之役者六千人餘皆陣城下九年二月辛

酉始裁閱二旬訖功而虜兵不出以兼御史大夫統

干遂中丞杜彥光戍之舊紀月列傳張獻甫節度

邠寧斷山浚塹選巖要地築烽堡請復鹽州及洪門

洛原鎮屯兵詔可獻甫遣兵馬使魏英逐吐蕃築鹽

夏二城邠志曰八年議築鹽夏二城三杜希全兼

夏綏銀節度都統建言鹽州據要會為塞保鄣請復

城之詔希全及朔方邠寧銀夏鄜坊振武及神策行

營合選士三萬五千屯鹽州又救涇原劔南山南牽

撓其力使不得犯塞楊朝晟為寧州刺史以副邠

寧節度張獻甫正元九年城鹽州召兵護外境朝晟

分統士馬屯木波堡韋臯正元九年朝廷城鹽州

詔臯出師牽維之李晟薨正元後城鹽州復故池

上惻然思晟李光顏元和末鎮邠寧時虜毀鹽州

城使光顏復城之以忠武軍從會要正元九年二

月詔復築鹽州城先是三年城為吐蕃所壞自後塞外無保鄣大戎入寇既城之後邊患頓息 白居易有城鹽州詩

唐方渠三城 馬嶺城 應聖泉

楊朝晟傳正元九年為邠寧節度使十三年請城方渠合道木波以遏吐蕃路詔問須兵幾何報曰部兵可辦帝曰前日城五原興師七萬今何易邪對曰鹽州之役虜先知之今薄戎而城虜料王師不十萬勢難輕入若發部兵三日至塞下未三旬可畢積芻聚糧留卒戍之寇至不可拔若大發兵閱月乃至虜亦

三三十一

三三十一

北三

一

來來必戰戰則不暇城矣帝納其策師次方渠水乏有青蛇降險下走視其迹水從而流朝晟使築防環之遂為停淵士飲仰足圖其事以聞有詔置祠命泉曰應聖已城吐蕃悉衆至度不能害乃引去後城馬嶺而歸開地三百里 一通監正元十三年三月方渠

三城成 劄志二十三年二月十一日朝晟除使十八日

就功地理志方渠馬嶺皆慶州屬縣節度張獻甫置

選險要為烽堡

唐保定城 又見

會要涇州臨涇縣正元十一年正月節度使劉昌奏

請於臨涇界保定城置陰盤縣敕改為潘原十一年以彰信堡復置志潘原本陰盤天寶元年更名後省為彰信堡

唐永信城 臨涇城 良原城 潘原城

臨涇城

地理志隴州涇源正元十三年築永信城于平戎川

涇陽有臨涇城大和元年築原州平涼郡廣德元年

沒吐蕃節度馬璘表置行原州於靈臺之百里城正

元十九年徙治平涼舊紀四月乙未劉昌奏元和三年又徙治

臨涇列傳邢君牙節度鳳翔吐蕃犯邊君牙助耕

戰為備又城隴州平戎號永信城 郝玼正元中為

四廿八

玉海百七四

廿四

臨涇鎮將嘗從數百騎出野還說節度使馬璘曰臨

涇扼洛口其川饒衍利蓄牧其西走戎道曠數百里

皆流沙無水草願城之為休養便地璘不聽及段祐

代節度玼復說曰天寶中天下以兵為防獨西戎耳

而塞至京師且萬里自祿山反西陲盡亡塞內為邊

郡若築臨涇以折虜勢便甚佑唯諾請于朝卒詔城

臨涇通監元庚子為行原州庚子二月置玼為刺史戊

之自是虜不敢過臨涇玼在邊積三十年虜大畏舊紀

三年正月庚子北九十里玼大戎之節要詔從之請修臨涇城在涇

史涇州自玼鎮臨涇西戎不敢犯玼為刺史李元諒為隴右

通鑑

節度正元四年初築良原城距城築臺上張連弩又進築新城據便地虜深憚之朱忠亮憲宗時為涇

原四鎮節度築潘原城初正元三年七月庚辰遣決

成陽成王潛拜涇原節度使憲宗與對大悅潛至

鎮繕壁壘積粟侍兵遂引師自原州踰硤石取虜將

一人斥烽候築歸化潘原二壘請復城原州度支沮

議王承元穆宗時為鳳翔節度鳳翔右裨涇原地

平少巖險吐蕃數入承元據勝地為鄣置守兵千詔

號臨汧城以勞封岐國公舊紀天和元年四月甲

午鳳翔築臨汧城於汧陽縣西北八十里

唐清塞城

會要清塞軍正元十五年四月以清塞城為軍

唐鄂城

牛僧孺傳寶曆元年正月於鄂州置武昌軍授僧孺

節度使鄂城土惡亟圮歲增築僧孺陶甃以城五年

畢鄂無歲費志鄂州有武昌軍元和元年置武昌

唐杖義城 禦侮城 柔遠城 邛崃關

李德裕傳兼舊火大和四年十月戊申從劔南西川

節度使建籌邊樓率戶二日取一人使習戰緩則農

城邊城

急則戰謂之雄邊子弟其精兵曰南燕保義保惠兩河慕義左右連弩騎士曰飛星鷲擊音鋒流電霆聲突騎總十一軍築杖義城以制大度青谿關之阻作禦侮城以控榮涇雅州名州掎角之勢作柔遠城以扼西山吐蕃六年五月甲辰奏復邛峽關徙舊州治嘉黎地理志六以奪蠻險於是二邊浸懼南詔請還所俘掠吐蕃維州將悉怛謀以城降後路巖置定遠軍於邛州扼大度治故關由是山南八國來朝地理志黎州有武侯廣清肅寧大定要衝杖義等十一城嵩州有清溪關維州武德七年於羌戶以姜維故城置

山海卷百一十四 二十六

廣德元年沒吐蕃大和五年收復德裕遣將震藏險岷山西北望隴山一面崖三涯江原號無憂城雅州為西南要杆尋棄之大中三年首領以州內附有伐謀制勝等八城榮經縣有邛峽山有關

唐三原城 經略城

史憲忠傳會昌中築三原城吐蕃因之數犯邊拜憲忠涇原節度使以怖其侵疏涇于隍積緡錢十萬粟百萬斛戍人宜之一李吉甫傳元和八年請發夏州精騎五百屯經略故城以護党項奏復宥州乃治經略軍以隸綏銀道元和志豐安軍靈武郡西黃河外一百八十餘里萬歲通天初置管兵八千人馬一

通城



城城數萬落於屈指聯連營於寸目

唐安南城

高駢傳咸通七年十一月為靜海軍節度築安南城周三千步又鑿道三所通使者青石或傳馬援不能治有震碎其石乃得通因名道曰天威道駢鎮成都築城名曰大元城

寶曆元年安南都護李元喜請移城於江北岸圖形勢上之王峻桂州築城康成訓城邕州合容管隸之

建隆脩都城

太平興國京城門名元

四六

手海百七四

廿八

豐脩都城記

東京舊城周回二十里一百五十五步州即唐建中

初節度使李勉築皇朝曰闕城裏城南三門朱雀保

東二門麗景西二門閭闔北三門景龍大內據闕

城西北宮城周回五里新城周回四十八里二百三

十三步周世宗廣而新之顯德二年四月展外城在

王營度滑曹鄭之民十餘萬蓋萬康南環之徒司工築奉宋

新城通道路北信節度使韓通築多王朴傳云唐

皇朝曰國城外城南五門南薰晉宣東五門上善

朝善利舍西六門順天金耀成豐北五門通天景陽永

城一遠城



建隆三年正月甲戌發浚儀民數千廣皇城之東北

隅五月命有司案西京宮殿圖修宮城韓重寶四年

五月十四日詔李懷義護役成命陶穀撰碑乾德

三年四月十三日導五丈河通皇城為池四年二月

七日帝親視皇城版築之役六年即開寶正月甲午

發近甸丁夫增脩京城興國四年九月戊子改京城

門名至道元年十一月丁卯五日詔張洎改撰京城

內外坊名八十餘分定布列始有雍洛之制或云坊

十有二雍熙二年欲廣皇城九月十七日命劉延

翰等經度畫圖來上帝恐動民居而止僅遷出在內

三數司祥符元年正月丙子日脩東京外城九年

七月丁未增築新城天禧二年三月畢工天聖元年

正月辛卯發卒增築京城元七月二十四日增築皇祐

嘉祐四年正月十一日修築新舊熙寧八年九月癸

酉重修都城會要八月二十一日詔元豐元年十月

丁未日告畢詔知制誥李清臣記之曰以三歲之績

易數百年因循之陋崇墉迄然周五十里一百六十

五步橫度之基五丈九尺高度之四丈而埤堦七尺

堅若埏埴直若引繩惟我汴京氣象宏偉平廣四達

岡阜綺轉隱磷地中若龍盤虎伏睨而四據濁河限

其北漕渠貫其內氣得中和土號沃衍霏煙屯雲映

玉海百七

北九

端

帶門闕望之者知其為天子之宅周世宗廣而新之  
逮此百二十有五年聖主營於無為圖于弗用取羨  
卒共其力兵不踰一萬分部者六板幹迺遷舂鍾貫  
序創機輪以登土為鐵疏以固溝肇于丙方環于四  
浹度功五百七十九萬有奇所省者十之三其作治  
然其成裕然人不及計士不及議而城以全新奏矣  
又以材易八門崇端顯嚴遂與城稱其外趾跨隍百  
一十有五步聖授其筭士薦其能云云二年進記紹  
聖元年九月六日刻石於南薰門蔡卞書篆初命直  
學士院  
孫洙撰詞後  
改命清臣元祐三年十月庚子命將作監丞李

四十五

王海百七

卅

士京修京城紹聖元年正月八日增築功畢  
外門正門為方城偏門為甕城

舊城內左一廂二十坊二廂十六坊右一廂八坊二  
廂二坊新城內城東廂九坊西廂二十六坊南廂二  
十坊北廂二十坊太宗以名多俚俗至道元年十一  
月十五日易以美名唯寶積安業樂臺利仁四坊仍  
舊名祥符二年三月九日增置廂九京東一廂一坊  
二廂一坊三廂一坊京南廂二坊京西一廂二坊二  
廂二坊三廂二坊京北一廂二坊二廂一坊祥符六  
年五月七日改夷門坊曰寧遠元英坊曰瑞慶重  
城之內畫坊一百三十二

太祖建都無山川之險所恃者在修德在用人在得民心

雍熙築河北城壘 祥符山川城寨圖

雍熙四年二月二十三日詔河北諸郡發鎮兵增築

城壘遺程平素田仁明拱二年二月令沿邊作方

田列置寨至道三年九月揚允素上地圖帝御滋

福殿歷指山川堡壁曰朕已令屯兵內地而省冗費

咸平四年十二月壬戌陝西漕臣劉綜言鎮戎軍本

古原州請於軍前後置堡寨且耕且戰祥符二年始

置橫陽神堂野河東置寨比日在祥符三年四月己未內出曹韋張

玉海百七十四 州一

宗貴所上涇原環慶兩路山川城寨圖示宰臣曰處

置藩部俱當儲備亦詳宜別畫二圖一付本路一

留密院康定元年陝西漕龐籍請諸寨互相應援慶

曆元年曹琮於三都谷靜邊堡置寨二年三月環慶

於柔遠寨東擇利益建城寨又於細甯城建寨四年

宣撫韓琦請令涇原修葺堡寨五年十月甲子以延

州城馬蹄川為安定堡嘉祐四年二月十一日詔留

麟州鎮川府州中候百勝清塞四堡寨餘皆廢之治

平四年三月環慶蔡挺築荔原堡閏三月涇原修堡

寨賜名治平寨又有雞熙寧十年延州建四堡

咸平六年六月己卯賜環州大名乾川新寨名肅遠  
九月辛亥府州西寒嶺置寨賜名寧遠慶曆三年正  
月乙未詔河北轉運提刑安撫司提舉修城壘

咸平彭陽城

鎮戎軍咸平六年築 **九域志**軍東八十三里

景德肅寧城

瀛州雍熙中置平虜寨淳化元年改平虜城景德元  
年十二月甲辰改肅寧城

天禧清水城

秦州天禧元年十一月曹韋築熙寧元年秦州置甘

谷城 九域志甘谷在州西  
北一百八十五里

明道懷遠城

明道元年十月甲寅鎮戎軍新修赤藁城名為懷遠  
城慶曆元年十月三日戶部副使李宗詠等往河

東修寧遠寨

渭州牧隆城天禧元年築祥符七年築籠竿城

咸平四年閏十二月築綏州城

康定青澗城

元年九月庚午以种世衡知延州青澗城种世衡  
傳建請營故寬州州西南直延安二百里當寇衝右

邊城

捍延安左可致河東粟北可圖銀夏詔即廢壘興築  
壘近虜屢出爭且戰且城之初苦無水鑿地百五十  
尺至石屑石得泉城成賜名青澗城遷知城事開營  
田二千頃 **九域志**青澗城在延州東北一百十五  
里

### 慶曆韓公城

秦州初建隆三年築伏羌城祥符九年三月城南市  
慶曆初守臣韓琦以東西城外有民居軍營恐資寇  
元年十月己卯詔增築外城乃廣外城十一里與內  
城聯合為一城秦民德之號韓公城興功於元年十  
月三日己卯成於二年正月二十七日廣四千一百  
步高三丈五尺計工三百萬西關城

### 慶曆水洛城

德順軍慶曆三年以渭州隴竿城置軍靖邊砦西南  
去略陽二百里有城曰水洛川地平土沃曹亨嘗經  
營之劉滄密使城主鐸斯那內附因滅之慶曆三年  
十月甲子鄭戩奏遣劉滄董士廉築城涇原帥尹洙  
令罷役不從四年七月二十六日奏城成說殺事以滄

志中有碑在軍西南一畝

至和元年八月廣西余靖作桂州新城二年六月成

王安石為記

慶曆大順城

慶曆二年范仲淹於慶州柔遠寨東北四十里大順

川建城四月辛巳詔城名大順張載為五年閏五月

甲申仲淹宣撫請建細馨城在川間命种世衡蒋偕城

之自環州隸原州范仲淹傳慶之西北馬鋪寨當

後橋川口深在賊腹中仲淹欲城之度賊必爭密遣

子純佑與蕃將趙明先據其地引兵隨其後諸將初

不知所向行至柔遠始號令之版築畢具旬日城成

今大順城是也賊覺以騎三萬來戰佯北仲淹戒勿

追已而果有伏大順既城白豹金湯皆截然不敢動

環慶自此寇益少張亢傳為并代都鈐轄管麟府

軍馬以州東焦山有石炭穴為築東勝堡下城旁有

蔬畦為築金城堡州北沙坑有水泉為築安定堡置

兵守之戰于兔毛川賊大潰不踰月築清塞百勝中

候建寧鎮川五堡麟州之路始通

熙寧綏德城

延州熙寧二年置元豐七年正月十九日陝西漕臣

范純粹言綏德城當寇衝請立軍以七城砦隸焉在

東北三百

三十里

建隆二年秦州置伏羌寨熙寧三年以寨為城在州西

熙寧六年河州置定羌城在州東七十里元

豐四年通遠軍北一百二十里置定西城

### 元祐定遠城

七年五月甲申熙河蘭岷路進築凡二十四日畢功

經略使范育等賜詔獎諭

金湯城延州元符二年以舊寨改銀川城崇寧五年以銀州改

定西城蘭州元豐六年增築閏六月隸通遠軍平夏城鎮戎軍紹聖四年改

德威城舊清水河政和二年置安西城紹聖二年章綵築

定邊城元符二年三月十日韓昇築安邊城環州崇寧五年置

興平城元符元年三月十日環慶築

元豐三年十一月二十一日曾鞏奏秦鳳廊延涇原

環慶并代五路嘉祐城堡一百十二熙寧二百十二

元豐二百七十四熙寧較嘉祐一倍元豐再倍而熙

河城堡又三十有一夫將於兵猶奕於其善奕者置

碁雖疎取數必多得其要而已敵雖萬變塗雖百出

而形勢足以相援攻守足以相赴所保必其地所應

合其變用力少而得筭多

### 紹興築皇城

今大內舊杭州州治也紹興十八年二月十四日名

皇城南北門曰麗正和寧二十八年七月己未增築  
皇城東南之外城修築五百四十一丈計工三十餘  
萬九月二十四日新築增置便門  
詔新南門乾道九年十二月二十一日修禁城  
名嘉會

### 紹興山水寨

建炎二年命揚州增修城壁紹興十一年二月十二  
日詔王喚兼通泰制置使措置水寨鄉兵建炎四  
年六月臣僚言江北諸郡之民往往自為寨柵羣聚  
以守和州則有雙山雞籠二山寨麻胡阿育二水寨  
廬州則有浮槎方山等寨滁州則有獨山等寨每寨  
多至二萬餘家宜諭以恩意有功者命鎮撫使保奏

王

北

推恩從之十一月遣使兩浙點檢寨柵乾道五年九  
月遣淮西參議許子中措置淮西山水寨民兵

漢鼂錯言邊事曰選常居者家室田作為高城深塹  
具蘭石布渠荅復為一城其內城間百五十步要害  
之處通川之道調立城邑毋下千家為中周虎落先  
為室屋具田器募人居之

文王城朔方以南仲宣王城東方以仲山南慮以悄  
悄之勞發以赫赫之名承以翼翼之勤續以明明之  
功其君臣如此而守衛有其具也古者哲夫以為城



衆心以為城禮義廉耻以為城易曰天險不可升也  
是險也無象無形不兵而不可犯不城而不可踰所  
以持山川丘陵者也昔之人以大師為垣得道為助  
在德者險苟得民心雖畫地而守效死者莫肯去不  
然崇城到天嚴扉重閉金鋪銅環鐵扇石樞無以結  
民心至於攜叛不若折柳之樊圃也 禦外之道莫  
若設險制勝之方莫若因形重門擊柝設險也高屋  
建瓴因形也 雅有營謝美召伯也傳稱城沂賢為  
敖也 城朔方而獫狁之難除禦戎狄之道守備為  
本不以攻戰為先 陵崢岸峭 豐牆峭陔 以行  
義為阻道德為塞賢人為兵則邊境無鹿駭狼顧之  
憂 春秋之法大事書之於策其於土功尤致其謹  
始於隱之城 中丘卒於哀之城 邾瑕其事幾三十條  
莒城惡而弗備 巫臣以為譏 由于城麋不知高厚 子  
西以為訥 子囊之城郢 為艾獵之城沂 深嘉屢歎 以  
為善相一國 崢若斷岸 轟似長雲  
扼夷虜之襟喉 據邊障之樞會 屈信指臂 開闔風雷  
啓關而敵不敢入 下兵而敵不敢當 煤雉崢嶸 岳立  
雲連 鼓鼙晝鳴 刁斗夜嚴 渠荅蘭石 凡備畢具 隱  
以金椎蒙以石壁 歸乎峭巘 斷岸之不可攀 峙芻

糧救甲兵具蘭石杜獲寤察相翔謹號戒 王公設  
險以守國孔子書於習次之豕城郭溝池以為固孔  
子所以答言偃之問

體天之險等威以叙因地之宜溝封以固猶慮有欲  
不相保聚弧矢取睽門析取豫俾居無斃而害有禦  
廼量弘綱廼審薄厚 先壞而防先變而懼母生  
戒心棄成恃陋

古者天子守在四夷故城成周而君子小之雖然清  
風至而城郭不脩入其國者有以觀政矣 石城湯  
池著於神農之教固圉重閉載乎春秋之訓 敵無

玉海卷第一百七十四

脆有備者勝國無小善守者全樂毅能下齊而不能  
拔莒即墨之二城佛狸能飲江而不能克盱眙之孤  
壘 以習安為懼以恃陋為戒墨翟之智子囊之忠  
也 正其疆場脩其上田險其走集親其民人明其  
伍候 萬雉鬱起矗如長雲 植表作旗萬重競奮  
實墉實壑深與高稱 城有制役有時大都不過  
三國之一邑無百雉之城制也凡土功龍見而戒事  
火見而致用水昏正而栽日至而畢時也 周之以  
木樵校聯布之以蘭石渠荅



